

Nunamut Namminermut Immikkoortortaarfik inatsisilerituussarsiorpoq

Kalaallit Nunaanni kommunit, demokrati aamma qinersisarneq pillugit inatsisitigut sinaakkutinik ineriartortitseqataarusuppit?

Nunamut Namminermut Immikkoortortaarfik inatsisinik ilisimatusartumik tunniusimasumik pissarsiorpoq, Kalaallit Nunaanni inatsisitigut inuiaqatigiinnilu apeqqutit pingaarnerpaat ilaannik suliaqarnissamik soqutigisalimmik.

Uatsinni politikkikkut aalajangiisarnernut qanittumik suleqataanissamut periarfissaqassaait, kiisalu inatsisiliornermik, kommunit namminersornerannik demokratiikkullu ingerlatsivinnik ineriartortitseqataasinnaallutit.

Nunamut Namminermut Immikkoortortaarfik pillugu

Nunamut Namminermut Immikkoortortaarfik ilaatigut makkuninnga akisussaaffeqarpoq:

- Kommunit aqunneqarnerat kommuninilu agguataarineq
- Inatsisartut qinersinerat kommuninilu qinersinerit
- Kommuninik nakkutilliineq
- Qinersinermut Ataatsimiititaliaq, Qinigaasinnaassuseq pillugu Ataatsimiititaliaq aamma Nakkutilliisoqarfik
- Aqqutissiuussinermut nalunaarsuineq aamma arsaarinnissuteqarneq
- valg.gl-ip ingerlanneqarnera ineriartortinneqarneralu
- Kommuninut pisortanilu oqartussaasunut aqutsinermut inatsisit pillugit siunnersuisarneq
- Nunamut Namminermut tunngasutigut inatsisiliorneq

Suliassatit

Ilaatigut makkuninnga suliaqassaait:

- Inatsisartut inatsisaannik nalunaarutinillu sularinninneq nutarterinerlu
- Inatsisinik nassuiaaneq inatsisitigullu naliliinerit
- Naalakkersuisumut, naalakkersuisoqarfinnut kommuninullu inatsisitigut siunnersuisarneq
- Kommunit kommuninut inatsisiliat malinneraat nakkutiginnissaat
- Kommunit aqunneqarnerat, suliassani peqataasinnaaneq (habilitet) aamma qinersisinnaatitaaneq pillugit suliassat
- Inatsisitigut allakkianik, aalajangiinissamut tunngavissianik tusarniaanermilu akissutinik suliaqarneq
- Ataatsimiititalianut, siunnersuisoqatigiinnut aamma suleqatigiissitanut allattoqarfittut sullissineq
- Qinersinernik ingerlatsinissamut kiisalu Kalaallit Nunaanni demokratiip ineriartortinneqarneranut tapersiineq

Piginnaasat

Inatsisinik ilisimatusartumik makkuninnga piginnaasalimmik pissarsiorpugut:

- Cand.jur.-itut imaluunniit inatsisilerinermi bacheloritut ilinniarsimasoq
- Aqutsinermut inatsisinik, kommuninut inatsisinik aamma qinersinermut inatsisiliornermik soqutigisalik
- Aaqqissuussamik misissueqqissaartumillu suleriaasilik
- Allattariarsornermi oqalunermilu ersarissumik eqqortumillu saqqummiussisinnaasoq
- Namminersorluni akisussaaffinnik annertuunik aammalu suliassanik pisariusunik suliaqarnermik nuannarisaqartoq

Nutaanik ilinniakkaminnik naammasserlaajusut kiisalu inatsisilerinermi bacheloritut ilinniarsimasut qinnuteqarnissamut kajumissaarneqarput.

Neqeroorutigaaavut

- Atorfik pissanganartoq inuiaqatigiinnut pingaaruteqartoq
- Kommunit, Naalakkersuisoq aammalu aalajangiisartut pingaarnerit qanimut suleqatigalugit sulineq
- Namminersorluni suliaasaqarnissamut akisussaaffeqarnissamullu periarfissat pitsaasut
- Suliffimmi ineriartornissamut periarfissat pitsaasut
- Suleqatit tunniusimasut akornanni avatangiisit sulianut tunngasut nukittuut
- Kalaallit Nunaanni kommunit demokratiilu pillugit sinaakkutit ineriartortinneqarnerannut sunniuteqarnissamut periarfissaq

Akissarsiat atorfinitsitaanermilu atugassarititaasut

Akissarsiat atorfinitsitaanermilu atugassarititaasut Kalaallit Nunaanni Namminersorlutik Oqartussat aamma isumaqatigiissusiorsinnaatitaasoq kattuffik attuumassuteqartoq akornanni atuuttumik isumaqatigiissut naapertorlugu aalajangersarneqassapput. Qinnuteqartoq uppersaatalinnik piginnaasalik immikkut siunnersortit, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Pinerluuteqarsimannginnermut meeqqanullu uppersaatalit

Naalakkersuisoqarfiup pinerluuteqarsimannginnermut meeqqanullu uppersaatalit piniarsinnaatitaaffigai. Taamaattumik atorfininneq aatsaat atuutilissaaq Rigspolitiet-meersumik meeqqanut uppersaatal naammaginartoq kiisalu politiit pinerluuteqarsimannginnermut uppersaatal tiguneqareerpat.

Qinnuteqaat

Qinnuteqaat, CV kiisalu ilanngussat attuumassuteqartut kingusinnerpaamik **20. juli 2026** tiguneqareersimassapput.

Atorfinitsitsineq isumaqatigiissuteqarnikkut pissaaq.

Paasissutissat annertunerusut

Atorfik pillugu apequtissaqaruit attavigisinnaavat:

Aka Grønvold

Pisortaq, Nunamut Namminermut Immikkoortortaqarfik
 +299 34 65 48
akgr@nanog.gl

Qinnuteqaatit tigunissai qilanaaraavut kiisalu suleqatissatsinnik nutaamik Kalaallit Nunaanni kommunit namminersornerannik, demokratiimillu nukittorsaaqataasussamik tikilluaqqusinissarput qilanaaraarput.

Najugaq

Atorfimmut atatillugu sulisunut inissiamik innersuussisoqarsinnaangilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.